

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Broj: 02-02-7-265/17
Sarajevo, 2.3.2017. godine

Z A P I S N I K

**18. sjednice Doma naroda Parlamenta Federacije Bosne i Hercegovine,
održane 9. februara i 2. marta 2017. godine**

Nakon završetka 17. sjednice Doma naroda, počela je 18. sjednica.

Sjednica je počela u 13:20.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice, predsjedavajuća je pozdravila prisutne delegate i sve koje je pozdravila na početku 17. sjednice.

Izostanak sa sjednice opravdalo je troje delegata: Daliborka Milović, Đuro Delić i Đuro Prkačin.

Na osnovu evidencije Stručne službe, predsjedavajuća je konstatovala da sjednici prisustvuju 43 delegata, što čini većinu, pa Dom naroda može raditi i punovažno odlučivati.

Delegatska pitanja i inicijative

Rasim Kantarević postavio je delegatsko pitanje i pokrenuo inicijativu.

Delegatsko pitanje uputio je Ministarstvu komunikacija i saobraćaja Bosne i Hercegovine i Ministarstvu vanjske trgovine i ekonomskih odnosa Bosne i Hercegovine, a ono glasi - Da li su upoznati sa projektom izgradnje mini hidroelektrane Savijenac na rijeci Glini koja čini dio međudržavne granice između Bosne i Hercegovine i Hrvatske na prostoru općine Velika Kladaša i općine Topusko u Hrvatskoj?

Ponovo je pokrenuo inicijativu prema predsjedavajućoj Doma naroda, premijeru Vlade Unsko sanskog kantona i federalnom ministru za pitanja boraca i invalida odbrambeno-oslobodilačkog rata, u vezi uvrštavanja Prijedlog zakona o pravima branilaca i članova njihovih porodica na jednu od narednih sjednica Doma naroda, a u cilju implementacije presude Ustavnog suda Federacije Bosne i Hercegovine iz 2005. i 2013. godine.

Edin Forto postavio je pitanje Agenciji za bankarstvo Federacije BiH. Pitanje je ujedno i građanska inicijativa, a upitao je da li je zet federalne ministricice finansija, Jelke Milićević, zasnovao radni odnos u ovoj agenciji putem javnog konkursa.

Željko Mirković je postavio dva delegatska pitanja.

Prvo pitanje je postavio Komisiji za koncesije Federacije Bosne i Hercegovine. Upitao je da li je sačinjena analiza mogućnosti osiguranja sredstava u budžetu Federacije Bosne i Hercegovine po osnovu koncesionih naknada i, ako je analiza sačinjena, zatražio je da mu se dostavi pregled predmeta koncesije i mogućih koncesionih naknada za preduzeća koja već koriste prirodna bogastva i javna dobra ili vrše usluge koje podliježu koncesijama, a ne uplaćuju naknadu u budžet Federacije BiH. Predmetne koncesije su one o kojima odlučuje Vlada Federacije Bosne i Hercegovine.

Drugo pitanje, u vidu zahtjeva, uputio je Stručnoj službi Doma naroda Parlamenta Federacije BiH kojim je zatražio da mu se dostavi pregled postavljenih delegatskih pitanja na koje nije dobio odgovor.

Segmedina Srna Bajramović postavila je delegatsko pitanje i pokrenula inicijativu.

Pitanje je postavila Vladi Federacije Bosne i Hercegovine i nadležnom ministarstvu u vezi aktivnosti na otklanjanju diskriminacije porodilja u Federaciji BiH, posebno po pitanju porodijskih naknada, što je i bio jedan od zaključaka Doma naroda kojim se Vlada obavezala da će urediti ovu oblast.

Pokrenula je inicijativu prema Vladi Federacije BiH da se na jednoj od narednih sjednica Doma naroda nađe informacija nadležnih institucija o stvarnim pokazateljima trendova odlaska mladih ljudi iz Bosne i Hercegovine, kao i prezentacija aktuelnih mjera, njihovih rezultata i, eventualno, planiranih mjera kako bi se trend iseljavanja zaustavio.

Aner Žuljević je postavio dva delegatska pitanja Vladi Federacije BiH.

Upitao je da li je istina da Vlada Federacije BiH putem Nadzornog odbora vrši imenovanja tri v.d. izvršna direktora Razvojne banke Federacije BiH, iako su do sada prema internim aktima bila dva izvršna direktora te, ako je ovo istina, zašto se zaobilazi konkursna procedura. Zatražio je pisani odgovor na ovo pitanje.

Drugo pitanje postavio je premijeru Federacije, a odnosi se na tvrdnju premijera iznesenu na "sesiji Kruga 99" da Vlada Federacije ima odjel za korporativno upravljanje koje se bavi izvještajem svih 18 strateških kompanija. Pitao je koji je

pravni osnov za funkcionisanje ovog odjela; ko su članovi; po kojem pravnom osnovu imaju pravo da formalno prave izvještaje o radu bilo koje kompanije, s obzirom da je to zakonom jasno propisano. Zatražio je pisani odgovor na ovo pitanje.

Anes Osmanović je postavio jedno pitanje i pokrenuo inicijativu.

Pitanja je postavio JP Ceste Federacije Bosne i Hercegovine u vezi izgradnje kružnog toka na dijelu zaobilaznice oko grada Odžaka koji je i ujedno priključak na Koridor Vc i magistralne cesti M14 iz pravca Modriče na ulazu u Odžak.

Inicijativu je pokrenuo, također, prema JP Ceste Federacije Bosne i Hercegovine da se ubrza izgradnja pomenutog kružnog toka kao i završetak svih radova na koridoru Vc u Posavini.

Mirvet Beganović je postavio dva delegatska pitanja.

Prvo pitanje je postavio Kantonalnom tužilaštvu Unsko sanskog kantona u vezi dostavljanja informacije o istragama i radnjama vezanim za Agrokomerc, sve koje su u toku, kao i one koje su završene a od kojih se odustalo.

Drugo pitanje je postavio Vladi Federacije BiH - Kakav je problem konsolidacije Agrokomerca, na koji način se daje Agrokomerc u vlasništvo, kao i na koji način se planira pokrenuti proizvodnja u ovom preduzeću?

Vesna Saradžić je postavila pitanje Federalnom ministarstvu obrazovanja i nauke o broju učenika upisanih u osnovne škole na području Federacije BiH u zadnjih pet godina, pojedinačno po godinama i, ako je došlo do smanjenja broja djece, upitala je koliko je odjeljenja manje, odnosno koliko je škola prestalo sa radom.

Admir Hadžipašić je postavio dva delegatska pitanja.

Prvo pitanje je postavio Vladi Federacije BiH i JP Elektroprivredi BiH koje se odnosi na rekonstrukciju niskonaponske mreže na području opština Cazin, Velika Kladuša i Bužim, a u vezi Zaključka Doma naroda kojim je zatraženo od JP Elektroprivreda BiH da izdvoji značajnija sredstva na ovoj rekonstrukciji.

Drugo pitanje je postavio Vladi Federacije i JP Ceste Federacije BiH, kojim je zatražio da se planiraju dodatna sredstva za rekonstrukciju magistralnih puteva Unsko sanskog kantona, konkretno na magistralni put koji povezuje Bosansku krupu i Bihać, jer je na ovoj relaciji postavljena tabla da se u dužini od 15 km vozi na vlastitu odgovornost.

Draženka Subašić je postavila pitanje Agenciji za vodno područje Jadranskog mora i JP Elektroprivredi BiH, podružnici HE na Neretvi Jablanica, vezano za vodostaj vještačkog jezera u Jablanici.

Pitala je Agenciju za vodno područje Jadranskog mora ko je izdao vodnu dozvolu za korištenje vode za rad hidroelektrane Jablanica koja je pravosnažno postala 17.6.2016. godine i da li se kontroliše samo provođenje ove dozvole.

Pitanje koje je uputila JP Elektroprivredi Bosne i Hercegovine podružnici HE na Neretvi Jablanica se odnosi na pridržavanje uslova koji su zadani u vodnoj dozvoli, posebno u tač. 321., 322.,323., 324. zatim u tač. 34.,36. s posebnim naglaskom na tač. 33. i 9.

Nakon postavljenih pitanja i pokrenutih inicijativa predsjedavajuća je dala pauzu do 14.30 sati, a zatim je Dom naroda utvrdio dnevni red.

Aner Žuljević, delegat u Domu naroda, predložio je da se iz proceduralnih razloga skine s dnevnog reda Prijedlog odluke o donošenju Prostornog plana područja posebnih obilježja od značaja za Federaciju Bosne i Hercegovine "Autocesta na Koridor Vc", za period 2008.-2028. godine.

Predsjedavajuća je podsjetila delegate da je Ustavni sud Federacije BiH 7.12.2016. godine donio Presudu, broj: U-13/16 kojom je utvrdio da Zakona o izmjenama i dopunama Zakona o državnoj službi Federacije BiH („Službene novine Federacije BiH“, broj: 99/15) nije u saglasnosti sa Ustavom Federacije BiH. U skladu sa članom 250. Poslovnika o radu Doma naroda Parlamenta Federacije BiH presude su upućene delegatima i nadležnim radnim tijelima. Na osnovu stava 2. ovoga člana, presuda se uvrštava u prijedlog dnevnog reda prve naredne sjednice Doma.

Predsjedavajuća je predložila da se kao tačka 1. dnevnog reda ove sjednice uvrsti Prijedlog zaključka u vezi Presude, broj: U- 13/16 od 7.12.2016.godine

U vezi ovog prijedloga nije se vodila rasprava.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 40 glasova za, prihvatio prijedlog da se Prijedlog zaključka u vezi Presude broj: U-13/16 od 7.12.2016. godine razmatra kao 1. tačka dnevnog reda.

Nakon toga, predsjedavajuća je stavila prijedlog Anera Žuljevića da se sa dnevnog reda današnje sjednice skine s Prijedlog odluke o donošenju Prostornog plana područja posebnih obilježja od značaja za Federaciju Bosne i Hercegovine "Autocesta na Koridor Vc", za period 2008. - 2028. godine.

Na osnovu rezultata glasanja, predsjedavajuća je konstatovala da prijedlog Anera Žuljevića nije dobio potrebnu većinu glasova, jer je 12 delegata glasalo za, sedam delegata je bilo uzdržano, a 22 delegata su bila protiv.

Budući da više nije bilo prijedloga za izmjenu i dopunu dnevnog reda, predsjedavajuća je konstatovala da je Dom naroda Parlamenta Federacije BiH, sa 33 glasova za, četiri uzdržana glasa i šest protiv, usvojio sljedeći

DNEVNI RED

1. Prijedlog zaključka u vezi Presude, broj: U-13/16 od 7.12.2016.godine,
2. Prijedlog odluke o donošenju Prostornog plana područja posebnih obilježja od značaja za Federaciju Bosne i Hercegovine "Autocesta na Koridor Vc", za period 2008. - 2028.godine,
3. Prijedlog zakona o Agenciji za bankarstvo Federacije Bosne i Hercegovine,
4. Prijedlog zakona o bankama,
5. Prijedlog zakona o hraniteljstvu u Federaciji Bosne i Hercegovine,
6. Nacrt zakona o prijevozu opasnih materija,
7. Prijedlog odluke o davanju saglasnosti na Obračun sredstava u zdravstvu u Federaciji Bosne i Hercegovine za 2015. godinu,
8. Izvještaj o izvršenju Programa rada Agencije za reviziju privatizacije u Federaciji Bosne i Hercegovine za 2015. godinu,
9. a) Izvještaj o zaduženju Federacije Bosne i Hercegovine po osnovu emisije trezorskih zapisa na dan 7.6.2016. godine,
b) Izvještaj o zaduženju Federacije Bosne i Hercegovine po osnovu emisije trezorskih zapisa na dan 18.10.2016. godine
c) Izvještaj o zaduženju Federacije Bosne i Hercegovine po osnovu emisije trezorskih zapisa na dan 8.11.2016. godine,
d) Izvještaj o zaduženju Federacije Bosne i Hercegovine po osnovu emisije trezorskih zapisa na dan 22.11.2016. godine,
e) Izvještaj o zaduženju Federacije Bosne i Hercegovine po osnovu emisije trezorskih zapisa na dan 6.12.2016. godine,
f) Izvještaj o zaduženju Federacije Bosne i Hercegovine po osnovu emisije trezorskih zapisa na dan 22.12.2016. godine,
10. a) Prijedlog odluke o Izvještaju o radu Nadzornog odbora Federalnog zavoda za penzijsko i invalidsko osiguranje za 2014.godinu,
b) Prijedlog odluke o Izvještaju o radu Nadzornog odbora Federalnog zavoda za penzijsko i invalidsko osiguranje za 2015.godinu,
11. Izvještaj o radu Regulatorne komisije za energiju u Federaciji Bosne i Hercegovine - FERK-a za 2015. godinu,
12. a) Izvještaj o zaduženju za četvrti kvartal 2015. godine,
b) Plan zaduživanja za 2016. godinu,
c) Kvartalni izvještaj o dugu Q2/2016. godine,

- d) Kvartalni izvještaj o dugu Q3/ 2016. godine,
13. Izvještaj o odobravanju izdvajanja sredstava iz „Tekuća rezerva“ Budžeta Federacije Bosne i Hercegovine za 2016. godinu, po odlukama Vlade Federacije Bosne i Hercegovine, rješenjima premijera i zamjenika premijera Federacije Bosne i Hercegovine za period 1.1. - 30.6.2016. godine,
 14. a) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.1. - 30.06.2016.,
b) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.7. - 31.12.2016.,
 15. Izvještaj Visokog sudskog i tužilačkog vijeća Bosne i Hercegovine za 2015. godinu,
 16. Informacija o vanjskom i unutrašnjem dugu u Federaciji Bosne i Hercegovine na dan 31.12.2015. godine,
 17. Informacija o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period novembar 2015. godine - juni 2016. godine,
 18. Informacija o stanju sigurnosti na području Federacije BiH za 2016. godinu,
 19. Dokument okvirnog budžeta Federacije Bosne i Hercegovine za period 2017.- 2019. godina.

1. Prijedlog zaključka u vezi Presude broj: U13/16 od 7. decembra 2016. godine

Predsjedavajuća je podsjetila delegate da je Ustavni sud Federacije Bosne i Hercegovine 7. decembra 2016. godine donio Presudu broj: U13/16 kojom je utvrdio da Zakon o izmjenama i dopunama Zakona o državnoj službi Federacije Bosne i Hercegovine nije u saglasnosti sa Ustavom Federacije Bosne i Hercegovine. Presuda je dostavljena Parlamentu Federacije BiH.

U skladu sa članom 250. Poslovnika o radu Doma naroda Parlamenta Federacije BiH presuda je upućena delegatima i nadležnim radnim tijelima.

Nije bilo rasprave.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 35 glasova za i tri uzdržana glasa, usvojio sljedeći

ZAKLJUČAK

Zadužuje se premijer Federacije Bosne i Hercegovine da, u skladu sa obavezama iz Ustava Federacije Bosne i Hercegovine, osigura izvršenje presude Ustavnog suda Federacije Bosne i Hercegovine broj: U-13/16 od 7.12.2016. godine, koja se odnosi na Zakon o izmjenama i dopunama Zakona o državnoj službi u Federaciji Bosne i Hercegovine ("Službene novine Federacije BiH", broj 99/15).

2. Prijedlog odluke o donošenju Prostornog plana područja posebnih obilježja od značaja za Federaciju Bosne i Hercegovine "Autocesta na Koridor Vc", za period 2008. - 2028.godine

Vlada Federacije Bosne i Hercegovine je dostavila:

- Prijedlog odluke o donošenju Prostornog plana područja posebnih obilježja od značaja za Federaciju Bosne i Hercegovine „Autocesta na Koridoru Vc“ za period od 2008. do 2028. godine,
- Prijedlog Prostornog plana područja posebnih obilježja od značaja za Federaciju Bosne i Hercegovine „Autocesta na Koridoru Vc“ za period od 2008. do 2028. godine,
- Prijedlog odluke o provođenju Prostornog plana područja posebnih obilježja od značaja za Federaciju BiH „Autocesta na Koridoru Vc“,
- Amandman Kluba delegata hrvatskog naroda koji je Vlada Federacije prihvatila,
- Amandmane Vlade Federacije od 24.6.2016. godine,
- Ispravku greški u Amandmanu I i II.

Predstavnički dom je u nastavku 10. sjednice održane 29.12.2011. godine donio Odluku o donošenju Prostornog plana područja posebnih obilježja od značaja za Federaciju Bosne i Hercegovine "Autocesta na Koridoru Vc" za period 2008. - 2028. godine.

Također, Predstavnički dom je obavijestio Dom naroda da je na 17. sjednici održanoj 25.1.2017. godine usvojio amandmane Vlade Federacije BiH na Prijedlog prostornog plana područja posebnih obilježja od značaja za Federaciju BiH "Autocesta na Koridor Vc", koji postaju sastavni dio Prijedloga prostornog plana.

Prijedlog odluke o donošenju Prostornog plana razmatrala su nadležna radna tijela Doma naroda i dostavila svoje izvještaje.

Prijedlog odluke o donošenju Prostornog plana područja posebnih obilježja od značaja za Federaciju BiH „Autocesta na Koridoru Vc“ za period od 2008. do 2028. godine obrazložili su Josip Martić, federalni ministar prostornog uređenja i Amir Šikalo, predstavnik JP Autoceste Federacije BiH.

Nakon prezentacije, za diskusiju su se javili Slaviša Šućur, predsjednik Kluba delegata srpskog naroda i Aner Žuljević.

Izveštaj Odbora za prostorno uređenje, ekologiju i stambeno-komunalne poslove obrazložio je Tomislav Mandić, predsjednik Odbora.

U raspravi su učestvovali: Tomislav Martinović, predsjednik kluba delegata hrvatskog naroda, Slaviša Šućur, Mile Marčeta, Osman Čatić, predsjednik Kluba delegata bošnjačkog naroda, Josip Mioč, Edin Forto, Aner Žuljević, Vesna Saradžić, Dario Pušić, Amil Buljubašić, Salem Dedić, načelnik općine Jablanica i Josip Martić.

Nakon rasprave, predsjedavajuća je na zahtjev Kluba delegata bošnjačkog naroda, dala pauzu kako bi se pripremili zaključci.

Nakon pauze pristupilo se glasanju.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za, 10 glasova protiv i pet uzdržanih glasova, donio Odluku o donošenju Prostornog plana područja posebnih obilježja od značaja za Federaciju BiH „Autocesta na Koridoru Vc“ za period od 2008. do 2028. godine sa amandmanima Vlade Federacije na Prijedlog prostornog plana.

Vesna Saradžić je izrazila sumnju u rezultate glasanja pa je sekretar Doma naroda, Izmir Hadžiavdić, u skladu sa članom 113. Poslovnika o radu Doma naroda, izvršio poimenično izjašnjavanje.

Na osnovu rezultata poimeničnog izjašnjavanja, predsjedavajuća je konstatovala da je Dom naroda Parlamenta Federacije BiH, sa 29 glasova za, 10 glasova protiv i šest uzdržanih glasova, donio Odluku o donošenju Prostornog plana područja posebnih obilježja od značaja za Federaciju Bosne i Hercegovine „Autocesta na Koridoru Vc“ za period od 2008. do 2028. godine sa amandmanima Vlade Federacije na Prijedlog prostornog plana.

Predsjedavajuća je, zatim, stavila na glasanje usaglašene zaključke Kluba delegata bošnjačkog naroda i Kluba delegata hrvatskog naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine sa 36 glasova za, sedam glasova protiv i dva uzdržana glasa, usvojio slijedeći

ZAKLJUČAK

1. Zadužuju se Vlada Federacije Bosne i Hercegovine, Federalno ministarstvo prostornog uređenja, Federalno ministarstvo prometa i komunikacija i JP Autoceste Federacije Bosne i Hercegovine da prate

provedbu odredbi Prostornog plana Koridora Autoceste Vc, te da eventualnu optimizaciju Koridora Vc dostave u obliku izmjene ovog Prostornog plana.

2. Zadužuju se Vlada Federacije Bosne i Hercegovine, nadležna ministarstva i JP Autoceste Federacije Bosne i Hercegovine Sarajevo da iz sredstava ostvarenih optimizacijom trase Koridora Vc na dionici Konjic-petlja Ovčari-Mostar Sjever predvidi i planira optimizaciju, modernizaciju i ubrzanje cestovnog prometa, osiguranjem najpovoljnijeg priključka na trasu Autoceste Koridor Vc sa završnom petljom u Općini Jablanica i kroz Općinu iz pravca Jablanica - Prozor - Rama - Gornji Vakuf - Uskoplje - Bugojno - Donji Vakuf - Jajce, te iz pravca Tomislavgrad - Posušje - Jablanica, kao iz pravca Konjic, istovremeno sa izvođenjem radova na tunelu Prenj.

3. Prijedlog zakona o Agenciji za bankarstvo Federacije Bosne i Hercegovine

Prijedlog zakona o Agenciji za bankarstvo Federacije Bosne i Hercegovine utvrdila je Vlada Federacije.

Na Prijedlog zakona amandmane su podnijeli: Aner Žuljević i Edin Forto.

Aner Žuljević podnio je dva amandmana koji se odnose na čl. 8. i 43.

Edin Forto podnio je Amandman na član 43.

Amandmani su dostavljeni Vladi Federacije na izjašnjenje.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona o Agenciji za bankarstvo Federacije BiH obrazložila je Jelka Milićević, federalna ministrica finansija, koja je tom prilikom dala sljedeće tehničke ispravke:

- U članu 12. u stavu 4. iza riječi „člana“ dodaju se riječi: „kao i u svim drugim slučajevima gdje bi odlaganje izvršenja rješenja moglo imati posljedice na finansijsku stabilnost“;
- U članu 20. u stavu 3. umjesto riječi „Parlamenta“ treba stajati riječ „Vlade“;
- U članu 22. umjesto riječi: „stav 3.“ trebaju stajati riječi: „stav 2.“;
- U članu 28. dodaje se tačka c) koja glasi: „prestanu da ispunjavaju uslove propisane za imenovanje.“;
- Na kraju teksta Zakona izvršena je prenumeracija „Člana 55.“ u „Član 54.“.

Izvještaj Komisije za jezička pitanja obrazložila je Vesna Saradžić, predsjednica Komisije.

U raspravi su učestvovali: Aner Žuljević i Edin Forto.

Nakon rasprave, Jelka Milićević je obrazložila izjašnjenje Vlade Federacije kojim se ne prihvataju amandmani koje su na Prijedlog zakona o Agenciji za bankarstvo Federacije Bosne i Hercegovine podnijeli Aner Žuljević i Edin Forto.

Aner Žuljević je odustao od Amandmana I te tražio izjašnjenje o Amandmanu II.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH, nije usvojio Amandman II jer je za glasalo 23 delegata, pet delegata je bilo protiv, a 14 delegata je bilo uzdržano.

Edin Forto nije odustao od podnesenog amandmana pa se pristupilo glasanju.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio Amandman Edina Forte jer je za glasalo 14 delegata, sedam delegata je bilo protiv, a 19 delegata je bilo uzdržano.

S obzirom da je Edin Forto izrazio sumnju u rezultate glasanja, sekretar Doma naroda izvršio je poimenično izjašnjavanje.

Na osnovu rezultata poimeničnog izjašnjavanja, predsjedavajuća je konstatovala da Dom naroda Parlamenta Federacije BiH, nije usvojio Amandman Edina Forte, jer je za glasalo 14 delegata, šest delegata je bilo protiv, a 22 delegata su bila uzdržana.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH sa 32 glasa za, sedam glasova protiv i dva uzdržana glasa, usvojio usvojio Prijedlog zakona o Agenciji za bankarstvo Federacije Bosne i Hercegovine sa tehničkim ispravkama.

4. Prijedlog zakona o bankama

Prijedlog zakona o bankama utvrdila je Vlada Federacije.

Na Prijedlog zakona amandman je podnio **Aner Žuljević**.

Amandman se odnosi na član 104. stav 1. tačka c).

Amandman je dostavljen Vladi Federacije na izjašnjenje.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona o bankama obrazložila je Jelka Milićević, federalna ministrica finansija koja je iščitala veliki broj tehničkih ispravki.

U raspravi su učestvovali: Vesna Saradžić, u ime Komisije za jezička pitanja i Aner Žuljević.

Dom naroda Parlamenta Federacije Bosne i Hercegovine je odlučio da odgodi izjašnjavanje o Prijedlogu zakona o bankama zbog velikog broja tehničkih ispravki.

Izjašnjavanje o ovom Prijedlogu zakona će se obaviti nakon što Vlada Federacije dostavi Parlamentu Federacije tekst Prijedloga zakona o bankama sa ugrađenim tehničkim ispravkama.

5. Prijedlog zakona o hraniteljstvu u Federaciji Bosne i Hercegovine

Prijedlog zakona o hraniteljstvu u Federaciji Bosne i Hercegovine utvrdila je Vlada Federacije.

Prijedlog zakona razmatrala su nadležna radna tijela i dostavila svoje izvještaje.

Nije bilo potrebe da predstavnik Vlade Federacije obrazloži Prijedlog zakona.

U raspravi nije niko učestvovao.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH, jednoglasno, sa 40 glasova za usvojio Prijedlog zakona o hraniteljstvu u Federaciji BiH.

Sjednica je prekinuta u 18:30.

Nastavak sjednice održan 2. marta 2017.

Sjednica je počela u 14:00.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice, predsjedavajuća je pozdravila prisutne delegate, predsjednika Federacije, Marinka Čavaru, dopredsjednicu Federacije, Meliku Mahmutbegović, zamjenicu predsjednika Vlade, Jelku Milićević, prisutne ministre, predstavnike medija, međunarodnih organizacija i goste.

Izostanak sa sjednice opravdali su delegati Slaviša Šućur, Željko Josić, Emir Frašto i Tomislav Martinović.

Na osnovu evidencije Stručne službe, predsjedavajuća je konstatovala da sjednici prisustvuje 38 delegata, što čini većinu, pa Dom naroda može raditi i punovažno odlučivati.

Predsjedavajuća je, zatim, podsjetila delegate o preostalim tačkama dnevnog reda i prešla na rad.

4. Prijedlog zakona o bankama

Predsjedavajuća je podsjetila delegate da je na sjednici 9.2.2017. godine nakon uvodnog izlaganja odgođena rasprava o Prijedlogu zakona o bankama zbog velikog broja tehničkih ispravki i da je zaključeno da se Parlamentu Federacije dostavi tekst ovog zakona zbog velikog broja tehničkih ispravki.

Vlada Federacije je 15. februara 2017. dostavila 12 amandmana koji su postali sastavni dio Prijedloga zakona.

Nakon toga, Vlada Federacije je 16.2.2017. godine Domu naroda dostavila korigovani tekst Prijedloga zakona o bankama u koji su ugrađene tehničke ispravke, a 22.2.2017. godine dopis kojim potvrđuje da su amandmani dostavljeni 15.2.2017. godine sastavni dio Prijedloga korigovanog teksta Zakona o bankama.

Predstavnički dom PFBiH obavijestio je Dom naroda da je na 18. sjednici od 15. februara 2017. usvojio Prijedlog Zakona o bankama sa 12 amandmana Vlade Federacije, jednim amandmanom koji je Vlada Federacije prihvatila i tehničkim ispravkama koje su uvrštene u korigovani tekst Prijedloga zakona.

Na Prijedlog zakona amandmane su podnijeli Aner Žuljević i Osman Čatić.

Vlada Federacije je dostavila izjašnjenje kojim ne prihvata amandmane

Vesna Saradžić obrazložila je Izvještaj Komisije za jezička pitanja.

U raspravi nije niko učestvovao.

Budući da podnosioci amandmana nisu odustali od amandmana, predsjedavajuća ih je stavila na glasanje i konstatovala da:

- Dom naroda nije prihvatio Amandman Anera Žuljevića, jer je za glasalo 15 delegata, tri delegata su bila protiv, a 20 delegata je bilo uzdržano;
- Dom naroda nije prihvatio Amandman Osmana Čatića, jer je za glasalo 14 delegata, jedan delegat je bio protiv, a 23 delegata su bila uzdržana.

Dom je, zatim, glasao o Prijedlogu zakona.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 30 glasova za, dva uzdržana glasa i 10 glasova protiv, usvojio Prijedlog Zakona o bankama.

6. Nacrt zakona o prijevozu opasnih tvari

Nacrt zakona utvrdila je Vlada Federacije.

Predstavnički dom Parlamenta Federacije obavijestio je Dom naroda da je na 12. sjednici održanoj 13.7.2016.godine razmatrao Nacrt zakona o prijevozu opasnih tvari i Zaključkom ga prihvatio.

Prijedlog zakona razmatrala su nadležna radna tijela i dostavila svoje izvještaje.

Federalni ministar unutrašnjih poslova, Aljoša Čampara, obrazložio je Nacrt zakona.

U raspravi su učestvovali: Mirko Batinić, Mustafa Kurtović i Lidija Bradara.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 39 glasova za, jednim protiv i četiri uzdržana, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o prijevozu opasnih tvari i smatra da može poslužiti kao osnova za izradu Prijedloga zakona.
2. Zadužuje se predlagač da organizuje i provede javnu raspravu u trajanju 90 dana u skladu sa procedurom propisanom u Ustavu Federacije za donošenje zakona iz zajedničke nadležnosti federalne vlasti i kantona.
3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda, kao i one iznesene u okviru javne rasprave.
4. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt zakona o prijevozu opasnih tvari dostavi kantonalnim skupštinama radi davanja mišljenja u roku od 60 dana.

7. Prijedlog odluke o davanju saglasnosti na Obračun sredstava u zdravstvu u Federaciji Bosne i Hercegovine za 2015. godinu

Vlada Federacije dostavila je Prijedlog odluke o davanju saglasnosti Parlamentu Federacije radi razmatranja i donošenja.

Predstavnički dom Parlamenta Federacije obavijestio je Dom naroda da je na 13. sjednici održanoj 13.12.2016. godine donio Odluku o davanju saglasnosti na Obračun sredstava u zdravstvu u Federaciji BiH za 2015. godinu.

Prijedlog odluke razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 36 glasova za, tri protiv i tri uzdržana, donio Odluku o davanju saglasnosti na Obračun sredstava u zdravstvu Federacije BiH za 2015. godinu.

8. Izvještaj o izvršenju Programa rada Agencije za reviziju privatizacije u Federaciji Bosne i Hercegovine za 2015. godinu

Na osnovu člana 14. Zakona o privatizaciji državnog kapitala u privrednim društvima i bankama, Agencija za reviziju privatizacije u Federaciji Bosne i Hercegovine dostavila je Izvještaj o izvršenju programa rada za 2015. godinu Parlamentu Federacije Bosne i Hercegovine.

Predstavnički dom Parlamenta Federacije obavijestio je Dom naroda da je na 10. sjednici održanoj 30.11.2016. godine Zaključkom usvojio Izvještaj o izvršenju Programa rada Agencije za reviziju privatizacije u Federaciji BiH za 2015. godinu.

Izvještaj su razmatrala nadležna radna tijela i dostavila svoje izvještaje.

U raspravi je učestvovao Mirvet Beganović.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH nije usvojio Izvještaj o izvršenju Programa rada Agencije za reviziju privatizacije u Federaciji Bosne i Hercegovine za 2015. godinu, jer je za glasalo 17 delegata, 14 delegata je bilo uzdržano, a 11 delegata je bilo protiv.

9. Izvještaj o zaduženju Federacije BiH po osnovi emisije trezorskih zapisa na dan: 7.6.2016., 18.10.2016., 8.11.2016., 22.11.2016., 6.12.2016., 22.12.2016. i 22.12.2016. godine

Vlada Federacije BiH dostavila je, radi informisanja, Parlamentu Federacije izvještaje o zaduženju Federacije BiH po osnovi emisije trezorskih zapisa koje je Vlada Federacije usvojila.

Ova izvještaje razmatrala su nadležna radna tijela i dostavila svoje izvještaje.

U raspravi nije niko učestvovao.

Budući da se radi o materijalima koji su dostavljeni Parlamentu radi informisanja, predsjedavajuća je konstatovala da je Dom naroda Parlamenta Federacije BiH primio k znanju navedene izvještaje.

10. a) Prijedlog odluke o Izvještaju o radu Nadzornog odbora Federalnog zavoda za penzijsko i invalidsko osiguranje za 2014. godinu, b) Prijedlog odluke o Izvještaju o radu Nadzornog odbora Federalnog zavoda za penzijsko i invalidsko osiguranje za 2015. godinu

Vlada Federacije dostavila je Prijedlog odluke o neprihvatanju izvještaja radi razmatranja i donošenja.

Predstavnički dom Parlamenta Federacije obavijestio je Dom naroda da je na 15. sjednici održanoj 21.12.2016.godine **donio** Odluku o Izvještaju o radu Nadzornog odbora Federalnog zavoda za penzijsko i invalidsko osiguranje za 2014. godinu.

Također, Predstavnički dom **nije donio** Odluku o Izvještaju o radu Nadzornog odbora Federalnog zavoda za penzijsko i invalidsko osiguranje za 2015. godine.

Prijedloge odluka razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine **nije donio** Odluku o Izvještaju o radu Nadzornog odbora Federalnog zavoda za penzijsko i invalidsko osiguranje za 2014. godinu, jer su za glasala dva delegata, 23 delegata su bila uzdržana, a devet delegata je bilo protiv.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH **nije donio** Odluku o Izvještaju o radu Nadzornog odbora Federalnog zavoda za penzijsko i invalidsko osiguranje za 2015. godinu, jer su za glasala dva delegata, 24 delegata su bila uzdržana, a 11 delegata je bilo protiv.

11. Izvještaj o radu Regulatorne komisije za energiju u Federaciji Bosne i Hercegovine - FERK - a za 2015. godinu

Na osnovu Zakona o električnoj energiji, FERK je dužan podnositi izvještaj Parlamentu Federacije BiH o svom radu najmanje jedanput godišnje.

Predstavnički dom Parlamenta Federacije obavijestio je Dom naroda da je na 14. sjednici održanoj 14.12.2016.godine usvojio Izvještaj o radu FERK-a za 2015. godinu.

Izvještaj su razmatrala nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 31 glasom za, jednim glasom protiv i devet uzdržanih usvojio Izvještaj o radu Regulatorne komisije za energiju u Federaciji BiH za 2015. godinu

12. a) Izvještaj o zaduženju za četvrti kvartal 2015. godine

b) Plan zaduživanja za 2016. godinu,

c) Kvartalni izvještaj o dugu Q2/2016,

d) Kvartalni izvještaj o dugu Q3/2016. godine,

Vlada Federacije Bosne i Hercegovine dostavila je radi informisanja Parlamentu Federacije Izvještaj o zaduženju za četvrti kvartal 2015. godine, Plan zaduživanja za 2016.godinu, Kvartalni izvještaj o dugu Q2/2016 i Kvartalni izvještaj o dugu Q3/2016.godine.

Predstavnički dom obavijestio je Dom naroda je u nastavku 12. sjednice održane 8.11.2016. godine razmatrao i primio k znanju Godišnji plan zaduživanja za 2016. godinu i Kvartalni izvještaj o dugu Q4/2015. godinu.

Kvartalne izvještaje i Plan zaduživanja razmatrala su nadležna radna tijela i dostavila svoje izvještaje.

U raspravi nije niko učestvovao.

Budući da su ovi materijali dostavljeni radi informisanja, predsjedavajuća je konstatovala da je Dom naroda Parlamenta Federacije BiH primio k znanju Izvještaj o zaduživanju za četvrti kvartal 2015. godine i kvartalne izvještaje o dugu Q2 i Q3 za 2016. godinu.

13. Izvještaj o odobravanju izdvajanja sredstava iz „Tekuća rezerva“ Budžeta Federacije Bosne i Hercegovine za 2016. godinu, po odlukama Vlade Federacije Bosne i Hercegovine, rješenjima premijera i zamjenika premijera Federacije Bosne i Hercegovine za period 1.1. - 30.6.2016. godine

Vlada Federacije dostavila je Izvještaj o odobravanju izdvajanja sredstava iz „Tekuća rezerva“ Budžeta Federacije BiH za 2016. godinu radi razmatranja i usvajanja.

Izvještaj su razmatrala nadležna radna tijela i dostavila svoje izvještaje.

U raspravi je učestvovao Aner Žuljević.

Na osnovu rezultata glasanja, predsjedavajuća je konstatovala da Dom naroda Parlamenta Federacije **nije usvojio** Izvještaj o odobravanju izdvajanja sredstava iz „Tekuća rezerva“ Budžeta Federacije Bosne i Hercegovine za 2016. godinu, po odlukama Vlade Federacije Bosne i Hercegovine, rješenjima premijera i zamjenika premijera Federacije Bosne i Hercegovine za period 1.1. - 30.6.2016. godine, jer je za glasalo 25 delegata, 11 delegata je bilo protiv, a pet delegata je bilo uzdržano.

- 14. a) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.1. - 30.6.2016. godine,**
b) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.7. - 31.12.2016. godine

Vlada Federacije je dostavila izvještaje o radu i finansijsko-materijalnom poslovanju radi razmatranja i usvajanja.

Izvještaje su razmatrala nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 33 glasa za i četiri uzdržana glasa, usvojio izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.1. - 30.6.2016. godine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 32 glasa za i četiri uzdržana glasa, usvojio izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.7. - 31.12.2016. godine.

15. Izvještaj Visokog sudskog i tužilačkog vijeća Bosne i Hercegovine za 2015. godinu

Na osnovu člana 20. Zakona o Visokom sudskom i tužilačkom vijeću Bosne i Hercegovine («Službeni glasnik BiH», br. 25/04, 93/05, 48/07 i 15/08), ovo Vijeće dostavilo je Godišnji izvještaj Parlamentu Federacije Bosne i Hercegovine za 2015. godinu u svrhu informisanja.

Izvještaj su razmatrala nadležna radna tijela i dostavila svoje izvještaje.

Predsjedavajuća je konstatovala da Dom naroda Parlamenta Federacije nije primio k znanju Izvještaj Visokog sudskog i tužilačkog vijeća Bosne i Hercegovine za 2015. godinu, zbog nepprisustva predstavnika predlagača.

16. Informacija o vanjskom i unutrašnjem dugu u Federaciji Bosne i Hercegovine na dan 31.12.2015. godine

Informaciju je, radi informisanja, Parlamentu Federacije dostavila Vlada Federacije BiH.

Predstavnički dom obavijestio je Dom naroda da je u nastavku 12. sjednice održane 8.11.2016. godine primio k znanju Informaciju o vanjskom i unutrašnjem dugu u Federaciji Bosne i Hercegovine na dan 31.12.2015. godine

Informaciju su razmatrala nadležna radna tijela i dostavila svoje izvještaje.

U raspravi nije niko učestvovao.

Predsjedavajuća je konstatovala da je Dom naroda Parlamenta Federacije BiH primio k znanju Informaciju o vanjskom i unutrašnjem dugu u Federaciji Bosne i Hercegovine na dan 31.12.2015. godine.

17. Informacija o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period novembar 2015. godine - juni 2016. godine

Na osnovu člana 13. Zakona o reviziji privatizacije državnog kapitala u privrednim društvima i bankama, Agencija za reviziju privatizacije o svom radu svakih šest mjeseci informiše Parlamentarnu komisiju Federacije Bosne i Hercegovine i Parlament Federacije Bosne i Hercegovine.

Predstavnički dom obavijestio je Dom naroda da je na 15. sjednici održanoj 21.12.2016. godine usvojio Zaključak kojim je prihvatio Informaciju o izvršenim revizijama privatizacije državnog kapitala privrednih društava i banaka u Federaciji BiH za period novembar 2015. godine - juni 2016. godine.

Informaciju su razmatrala nadležna radna tijela i dostavila svoje izvještaje.

U raspravi su učestvovali Aner Žuljević i Mirvet Beganović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 29 glasova za, četiri glasa protiv i četiri uzdržana glasa, usvojio navedenu Informaciju.

18. Informacija o stanju bezbjednosti na području Federacije BiH za 2016. godinu

Informaciju je dostavila Vlada Federacije radi razmatranja.

Informaciju je obrazložio federalni ministar unutrašnjih poslova, Aljoša Čampara.

Izveštaj Komisije za bezbjednost obrazložio je Almedin Alifendić, predsjednik Komisije.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 33 glasa za, dva protiv i sedam uzdržanih, prihvatio Informaciju o stanju bezbjednosti na području Federacije BiH za 2016. godinu.

19. Dokument okvirnog budžeta Federacije Bosne i Hercegovine za period 2017.- 2019. godina

Vlada Federacije dostavila je Dokument okvirnog budžeta 2017.- 2019. godina radi informisanja.

Predstavnički dom Parlamenta Federacije obavijestio je Dom naroda da je na 16. sjednici održanoj 29.11.2016. godine primio k znanju Dokument okvirnog budžeta Federacije BiH za period 2017.- 2019. godina.

U raspravi nije niko učestvovao.

Budući da je Dokument dostavljen radi informisanja, predsjedavajuća je konstatovala da je Dom naroda primio k znanju Dokument okvirnog budžeta Federacije BiH za period 2017.- 2019. godine.

Sjednica je završena u 15:25.

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆA

Lidija Bradara